



Roland Jeanneret, Claudia Cathomen | Caria Norghauer, Ladina Spiess, Jean-Marc Richard

Las vuschs da la Chadaina da Fortuna

La fin da l'onn ha Roland Jeanneret, la «vusch da la Chadaina da Fortuna» da la Svizra tudestga, surdà tut sias incumbensas da la Chadaina da Fortuna ed è i en pensiun. L'anteriuor schurnalista da radio ha marcà ils ultims 19 onns ina fasa da svilup essenziala da la Chadaina da Fortuna, durant la quala èn vegnidas fatgas donaziuns totalas da passa ina milliarda francs. Sin DRS 1 ha surpiglià il 2011 Ladina Spiess, in'excelenta schurnalista, la moderaziun dals dis da collecta naziunals da la Chadaina da Fortuna sco era la redacziun da l'emissiun emnila «Glückskette aktuell». La schurnalista da radio engaschada e populara de ditgescha uschia ina part da sia lavur dal tuttafatg a

l'informaziun actuala davart la fundaziun. Entant che Roland Jeanneret valeva en Svizra tudestga sco «Mister Chadaina da Fortuna», èn quai en Svizra romanda sin RTS dapi il 1997 Jean-Marc Richard, moderatur da radio e televisiun, en il Tessin sin RSI ils schurnalists da radio Carla Norghauer e Michele Ferrario ed en Svizra rumantscha sin RTR la moderatura da radio Claudia Cathomen. Per il radio da la Svizra taliana realisescha Christian de Ciantis plinavant mintga segunda sonda dal mais en il rom da l'emissiun «Sabato Uno» ina rubrica davart la Chadaina da Fortuna.



Glückskette |
Chaîne du Bonheur |
Catena della Solidarietà |
Chadaina da Fortuna |



Donaziuns da passa ina milliarda francs per la Chadaina da Fortuna

L'onn 2010 è stà per la Chadaina da Fortuna in on plain eveniments marcà da grevas catastofas: il schaner il terratrembel en il Haiti, l'avust las inondaziuns en il Pakistan ed en las regions cunfinantas. La populaziun svizra è sa mussada fitg generusa ed ha fatg donaziuns da prest 66 milliuns resp. 42 milliuns francs.

Las lavurs da reconstrucziun en il Haiti ed en il Pakistan duran ditg, perquai che mancan las cundiziuns da basa legalas e l'infrastructura. En il Haiti ha la colera difficultà ulteriuramain las lavurs; tuttina han ins gia pudì gidar var 370 000 umans. Il favrer hai dà in terratrembel anc pli ferm en il Chile che ha per fortuna chaschunà pli paucs donn. La Chadaina da Fortuna ha avert in conto da donaziuns ed ha impundì ils stgars 800 000 francs cun agid da ses partenaris svizzers al lieu. DRS 3 ed SF zwei han organisà il december per la segunda giada en collavuraziun cun la Chadaina da Fortuna l'acziun da collecta «Jeder Rappen zählt». Cun la finamira da gidar uffants ch'èn unfrendas da guerras e da conflicts han els ramassà enfin la fin da favrer passa 10,5 milliuns francs.

L'october essan nus ans regardads da las malaurs d'avant diesch onns en il Vallais ed en il Tessin. Lezza giada avev'ins pudì ramassar donaziuns en l'atezza da 74,2 milliuns francs: la segund auta summa en l'istorgia da la Chadaina da Fortuna. Dapi che la Chadaina da Fortuna è vegnida fundada il 1983 ha ella organisà 33 dis da collecta naziunals e ramassà fin



Walter Rüegg, directur da Radio DRS

uss en tut donaziuns da passa ina milliarda francs – in grondius mussament per la gronda fidanza che la populaziun svizra ha en la Chadaina da Fortuna! Las fluctuaziuns dals curs sin ils martgads da finanzas han gi in'influenza negativa sin ils agens meds da la Chadaina da Fortuna, uschia che la fundaziun ha pudì cuvrir quest onn mo parzialmain ils custs d'administraziun cun las entradas da tschains. Nus avain prendi mesiras, las qualas vegnan preschentadas en quest rapport.

La fin da l'onn è i en pensiun Roland Jeanneret, la «vusch da la Chadaina da Fortuna» da radio e televisiun da la Svizra tudestga. El ha marcà essenzialmain l'enconuschientscha e la reputaziun da nossa fundaziun – nus al engraziain per sia cumpetenzza, ses grond engaschi e ch'el ha represchentà onns a la lunga ils interess da la Chadaina da Fortuna cun inschign e grond resun en las medias. Cun la schurnalista da radio Ladina Spiess avain nus chattà per l'emissiun da DRS 1 «Glückskette aktuell» la dretga successura.

Walter Rüegg, president



Scola a Haiti | Terre des hommes - agid a l'uffant

Las acziuns da collecta

En il decurs dal 2010 ha la Chadaina da Fortuna survegnì donaziuns da passa 66 milliuns francs en favur da las victimas dal terratrembel en il Haiti che ha chaschunà 200 000 morts, 300 000 blessads ed 1,5 milliuns persunas senza tetg.

Il favrer èn vegnids ramassads 797 408 francs per las victimas dal terratrembel en il Chile. En collavuraziun cun trais organisaziuns partenarias umanitaras è questa summa vegnida impundida dal tutfatg per l'agid d'urgenza e per la reconstrucziun da las chasas e da las installaziuns sanitaras.

En favur da las victimas da las inundaziuns en il Pakistan ed en las regions cunfinantas han ins survegnì

ils 23 d'avust, il di da collecta naziunal, donaziuns en in'atezza da 13 milliuns francs. Enfin la fin da l'onn ha la summa muntà a stgars 42 milliuns francs. 20 milliuns persunas han patì da las inundaziuns e da las consequenzas catastofalas.

A la fin da l'onn ha gi lieu l'acziun da collecta «Jeder Rappen zählt». Quella ha organisà DRS 3 ed SF zwei en collavuraziun cun la Chadaina da Fortuna. Durant questa acziun èn vegnids ramassads prest 9 milliuns francs. Il favrer 2011 èn vegnids approvads ils emprims trais projects en l'Afganistan, la Columbia e la Sri Lanka.